



Achche Akhlaq

Maulana Jalil Ahsan Nadwi Rh.

Rahe Amal Hindi se lipyantaran kiya he.

‘Note:- Hadees ki Rivayat ka khulasa he.’

Bismillahirrahmanirrahim

{1} Muatta Imam Malik

Khulasa- Rasulullah ﷺ ne farmaya mujhe Allah ki taraf se bheja gaya he taki akhlaki achchhaiyo ko intiha tak pohuchavu. Yani Aap ﷺ ki nubuvvat ka maksad ye he ki logo ke akhlaq aur mamlat ko thik kare unke andar se bure akhlaq ki jade ukhade aur unki jagah behtar akhlaq paida kare, ye tazkiya Aap ﷺ ke bheje jane ka maksad he. Aap ﷺ ne apne kaul aur amal se tamam achchhe akhlaq ki fehris tayar ki, aur puri zindagi par zindagi ke tamam shobo par lagu kiya aur har tarah ke halat me unse chimte rahne ki hidayat ki. Achchhe akhlaq kya he? Iski tashrih Abdullah bin Mubarak ne

in alfaz me ki he, tarjuma- achchhe akhlaq naam he khusharoe ka, maal kharch karne ka aur kisi ko taklif na dene ka. Dekhiye achchhe akhlaq ka dayra kitna lamba chauda he.

{2} Bukhari va Muslim; Raavi Hazrat Abullah Bin Amar Bin Al Aas Rd.

Khulasa- Rasulullah ﷺ na to behayai ki baat zuban se nikalte aur na behayai ka kaam karte aur na dusro ko bura bhala kehte aur Aap ﷺ farmate the ki tum me behtar log vo he jo akhlaq ke achchhe he.

{3} Muatta Imam Malik; Raavi Hazrat Muaz Rd.

Khulasa- Rasulullah ﷺ ne mujhe yaman bhejte vakt jo akhiri vasiyyat rakab par paav rakhte vakt farmayi vo ye thi ki logo ke saath achchhe akhlaq me pesh aana.